

## ЯНГИ ХИЗМАТ ТУРИ ЖОРИЙ ЭТИЛДИ

Халқаро имтиҳон тизимлари бўйича юқори балл (даража) тўплаган ёшларга имтиҳон топшириш харажатлари тўлиқ қоплаб берилади.

- Халқаро имтиҳонларда юқори балл олган ёшлар имтиҳон харажатларини қоплаб бериш учун қаерга мурожаат қиласди?

Бунда ариза берувчи исталган туман (шаҳар) давлат хизматлари марказларига мурожаат қиласди ёки Ягона интерактив давлат хизматлари порталида (ЯИДХП) давлат хизматидан электрон тарзда фойдаланиш учун рўйхатдан ўтади.

Мурожаатларни кўриб чиқиш муддатлари қандай? Ёшлар ишлари агентлиги 15 календарь кунида маҳсус сертификатни верификациядан (текшириш) ўтказади. Ҳақиқийлигини верификация орқали аниқлаш имкони бўлмаса, маҳсус сертификатнинг ҳақиқийлигини тасдиқлашни сўраб ваколатли хорижий ташкилотга сўров юборади.

Қанча муддатда тасдиқланганидан қатъи назар маҳсус сертификатнинг ҳақиқийлиги тасдиқланганда маҳсус сертификат эгаси бўлган ариза берувчиларнинг электрон реестрини шакллантиради. Ушбу электрон реестрга мувофиқ компенсация маблағларини Ўзбекистон Республикаси акциядорлик тижорат «Халқ банки»нинг ҳисобварағига молиялаштиради ва хизмат натижаси бўйича ариза берувчига 15 календарь кунда СМС хабарнома юборилади. Маҳсус сертификатнинг ҳақиқийлиги тасдиқланмагандан бу ҳақида идораларро электрон тизимга маълумот киритилади ва ариза берувчига СМС хабарнома юборилади.

- Қандай ҳолатларда ариза берувчига компенсация тўлаб берилади? Имтиҳонларнинг бири ёки бир нечтаси бўйича имтиҳон топшириш харажати компенсация қилиниши учун тўпланиши лозим бўлган юқори балл (даража)нинг минимал кўрсаткичи ёки ундан юқори натижা қайд этилганда; Маҳсус сертификат берилган санадан бошлаб 180 календарь кун ўтмасдан компенсация тўлашни сўраб белгиланган тартибда мурожаат қилганда; Маҳсус сертификатда кўрсатилган имтиҳон натижасининг ҳақиқийлиги ва тўғрилиги ёшлар ишлари агентлиги томонидан тасдиқланганда.

Қандай ҳолатларда маҳсус сертификатнинг ҳақиқийлигини тасдиқлаш рад этилади ва компенсация тўланмайди? Верификация ёки ваколатли хорижий ташкилотга юборилган сўров натижасига кўра маҳсус сертификатнинг ҳақиқий эмаслиги аниқланганда; Ваколатли хорижий ташкилотга юборилган сўровга жавоб олинмагандан ёшлар ишлари агентлиги томонидан маҳсус сертификатнинг ҳақиқийлигини тасдиқлаш рад этилади ва компенсация тўланмайди.

Эслатма! Ёшлар ишлари агентлиги томонидан молиялаштирилган санадан бошлаб 180 кун мобайнида Халқ банкининг тегишли филиалидан ариза берувчилар томонидан талаб қилиб олинмаган маблағлар Халқ банкининг тегишли филиали томонидан бундай ариза берувчиларнинг рўйхатини илова қилган ҳолда ёшлар ишлари агентлигига қайтарилади.

2021-05-06 20:00:40